

## თბილისის დინამოელთა საწვრთნელი მატჩები

გუშინწინ თბილისის „დინამოს“ ფეხბურთელებმა „ლოკომოტივის“ სტადიონზე საწვრთნელი მატჩი ჩაატარეს დნეპროპეტროვსკის „დნეპრთან“.

თამაში მიმდინარეობდა დინამოელთა საგრძნობი ტერიტორიული უპირატესობით. ანგარიში 26-ე წუთზე გახსნა ქორიძემ. 10 წუთის მერე კუთხური ბურთის ჩამონოდებისას ჭელიძემ საკუთარ კარში ჩაჭრა ბურთი, მაგრამ შესვენების შემდეგ ძოძუაშვილმა შეძლო გადამწყვეტი გოლის გატანა და თბილისელებმა გაიმარჯვეს-2:1.

გუნდები ასეთი შემადგენლობებით თამაშობდნენ: „დინამო“-გოგია, ხიზანიშვილი, ჭელიძე, ხინჩაგაშვილი, მუჯირი, ძოძუაშვილი, მ.მაჩაიძე, ქორიძე, გუცაევი, ყიფიანი, ჩელებაძე; „დნეპრი“-კოლტუნი (სობეცკი), ტომაში, ნაიდა (გოლიკოვი), კრაფჩუკი, ბოგდანოვი, შნეიდერმანი (ნარუსევი), სოლოვიოვი (რომანიუკი), პილიპჩუკი, იაკოვლევი, ხრისტიანი (შელესტი), მალკო.

თამაშს სჯიდა, ი. ბოჭორაძე (თბილისი).

**თ. ჯობაგა**

**„ლელო“ , 23. 03.1976 წ.**